

四庫全書

史部

欽定四庫全書

續資治通鑑長編卷五百六

宋 李燾 撰

哲宗

元符二年二月甲戌朔權提舉開封府界常平孫軫為

陝西路轉運判官尋兼權同管勾成都府利州陝西等

路茶馬事

兼管茶馬在三月十日今并此

西南韋蕃進奉人安化郎

將韋公夏等一十二人並特授奉化郎將保順郎將韋

公市等一十五人並特授安化郎將西南牟韋蕃進奉人韋公利等四十三人並特授保順郎將 朝奉郎檀宗旦言竊見近降朝旨令侍從官各舉所知臣恐尚有遺才乞下諸路轉運等司令於所部公共奉舉學術優異才能顯著者一人以備選擇詔每路監司同舉二員以聞 是日尚書右丞黃履乞罷政徑出居僧舍上遣約攔不令遷徙既而並未聞封還表章及宣押翌日魯布言履昨求去未聞宣召上曰今日封還表章及宣押

次布曰履立朝不為無補同列初以不曉事忽之既發
明章惇放罪等事遂頗知敬畏上曰履忠實可謂君子
布曰陛下旌別人材如此乃士大夫之福若履者真善
人君子也布又言履雖長於臣兩歲然極清健無可去
之理臣疾病衰殘實有乞身歸老江湖之意非敢矯飾
如他人有懷祿固寵之心聖恩眷憐勉強就職然其心
無一日不在山林上但笑而已即遣內侍封還履表章
五鼓再遣使宣押履復位如故

乙亥簡王似上表請居外邸詔不允自是凡三上表並不允 北外都水丞李偉言相度大小河門乘此水勢衰弱並先修閉各立蛾眉隄鎮壓乞先次於河北京東兩路差正夫三萬人其他夫數令修河官一面和顧從之 詔環慶依奏築定邊城助以鄜延戰兵一萬或於涇原未舉動前或同時或候涇原師還惟所便

正月十八日

丙子詔宣使入內押班馮世寧為宣慶使依前忻州防禦使宣政使端州團練使入內押班藍從熙為宣慶使

郅州防禦使入內東頭供奉官寄左藏庫使劉瑗供備
庫使郝隨皇城使石璘供備庫使武祿西京左藏庫副
使吳遵道各特進秩一等東頭供奉官閤門祇候韓濟
西頭供奉官閤門祇候歐瑾右侍禁陳永升各進秩二
等翰林醫官使成州團練使卓順之進秩一等回授有
服親與翰林醫官入內副都知馮宗道入內押班劉惟
簡各特與有服親有官人一資西京左藏庫使張士彥
皇城副使馮景供備庫副使老弼各賜絹二百匹其翰

林書藝官等各賜帛有差以嘗隨龍示優恩也 戶部

言河北東路提舉平常司奏乞將本路諸州管下外鎮
並依元豐舊法置抵當從之 權發遣永興軍等路提

點刑獄孫賁改秦鳳等路

丁丑詔降授宣德郎馬城罷新河北轉運副使依舊知
陝州以御史中丞安惇言其為人貪鄙衆所共惡故也

正月二十八日降授宣德郎權知陝州馬城為湖北轉運副使

奉議郎充高密廣平

郡王院大小學教授陳并送吏部與遠小監當差遣以

嘗上書毀佛道不當故也

戊寅廣南西路察訪董必言通直郎新柳州陶達知本
路利害深曉蠻情望考察換右職詔陶達特與禮賓副
使涇原路經略司言乞差本路鈐轄折可適提舉招
納投降西界蕃部第十一副將寇士元同提舉蕃官李
忠傑同管勾從之

己卯吏部言發運使張商英奏乞罷真揚楚泗監倉門
斗面官四員置巡轄綱運官四員從之 館伴高麗人

使中書舍人郭知章言高麗人使言國王欲遣士賓貢
此乃遠人悅慕教化伏望採擇詔令說諭許賓貢 朝
散郎知鄭州程之邵除都大管勾陝西路茶馬公事御
史鄧棐言之邵頃在元豐常為監司至元祐初年臣僚
言之邵緣監法進用尋送吏部不數月除知祥符未幾
除知泗州遂擢監司提舉茶事臣聞之邵與蘇軾蘇轍
是親表兄弟初為元豐監司與軾轍異趣則以私忿交
惡及軾轍用事而之邵卑辭厚賂以事軾轍初見惡於

軾轍則言者交攻及為軾轍所喜累有進擢則言者緘

口大抵元祐臣僚觀望用事者喜怒以為語默朝廷是

非出於頃刻而榮辱無復公論故之邵得以纖巧附勢

而不失其進取伏望聖慈察之邵前後蹤跡特賜放罷

從之

之邵除茶馬在正月九日今并書

廊延奏遣張誠等出兵討擒

凌結鄂裕等

布錄已卯實錄在戊子今從布錄戊子乃奏功也

庚辰樞密院言熙河蘭會經略使孫路奏乞於喀羅川

口建橋修城緣涇原將來進築洒水水平鼎摩會等處即

本路便須接續經營齊訥納森一帶進築通接涇原邊面最為今日急務其喀羅川口隣青唐地分慮生事詔

孫路進築齊訥納森等處了當別具利害以聞

正月七日路初

建請三月末遂招納青唐

上謂曾布曰孫路輕易誰可代之者布曰

路誠輕易如昨遷學士辭云未覆興州巢穴不敢授命此語乃狂妄又終不能踐言昨令體量張珣言王瞻結納青唐舉兵事不曾分明奏報迄今猶為喀羅之役以自符合前言誠可罪然未有人可以代之者上曰有人

當易之

八月十六日乃移路知河南

是日歐陽棐朝見上目之語

曾布曰此元祐五鬼布曰亦聞有此名元祐附麗必亦有之治郡亦常才然歐陽修之子登進士第修於英宗定策之際最有功章惇常言韓琦既以英宗判宗正有建立之意然未敢啟口一日與修議定修見仁宗便言英宗不立為皇子則事未定仁宗熟視修久之不言眾為之戰慄仁宗徐曰當如此琦與修等遂乞降詔許之當是時不易出此語此功不可忘上矍然曰誠不易啟

口布曰此功為發明者少上領之

元符元年十二月二十九日禁以祕校知

潞州落職送部不知何故乃得朝見當考

辛巳權知邢州王峴言嘗丞軍器見作坊所造神臂弓施於軍事實有奇功乞應內外歲課減別色弓弩之額增數製造軍器監請於五分添修弓弩人匠內撥二分剏造歲約增一千七百十五張從之中書舍人郭知

章言今侍從官薦士或為臺諫館職或監司郡守擢用之後或不如所薦宜有顯罰乞著為令詔今後應被旨

舉官不當具姓名以聞

壬午熙河蘭會路經略司言押伴轄正般擦使臣郭訥等具析到般擦入內夾帶回紇劉三等上京乞今後解發諸蕃般擦不許數外夾帶及私抵換人口上京如違其抄點并押伴使臣並以違制論從之 賜環慶度僧牒二百道應副修城也

甲申樞密院言熙河蘭會路經略使孫路奏乞候將來照應涇原進築因便興修橫水澗堡寨從之路又乞秦

鳳兵一萬與涇原同時進築齊訥納森詔以五千與之

布錄

甲申

環慶張存等出界斬五百餘級與特支五百

布錄

甲申

廊延路經略使呂惠卿言保安軍順寧寨據西界

首領葉烏瑪齋到宥州牒一道稱正月二十日國母薨

定差使令遜威明濟賽副使謨程田快庸等詣闕訃告

兼附謝罪表狀今來本路所築九寨須於寨北三二里

外遠探卓望處建置堡鋪存留二十里疆界竊計諸路

亦當如此欲乞候得本路奏到牒本日令於漢界新舊

城寨見今把截堡鋪外巡綽探望人所至處為界然後
許令通進表狀樞密院言西人犯順日久前後寇邊不
一蕪近於涇原路作過狼狽遁歸今計窮請命理難便
行收接假令朝廷異日許以朝貢亦須畫河為界即於
邊防經久穩便今來却只欲巡綽探望人所至處為界
許令通進牒本顯於事機有害詔呂惠卿指揮保安軍
順寧寨令喻葉烏瑪等以破界累年作過今國母已死
有謝罪表狀緣只是空文別無實事未敢聞達朝廷今

若是恭順實情即令遣親信謹密可委之人同葉烏瑪等界首說話候葉烏瑪等果將到本國親信人即令自來有主謀獻計作過之人如珪布默瑪凌結鄂裕等先次拘執進獻與朝廷謝罪本路有可憑信即敢具事理奏聞候得朝廷允許方可商量仰呂惠卿詳此指揮順寧寨官依此說諭逐旋對答語言聞奏

四月七日
再遣使來

又

言準朝旨相度於米脂東建一寨通河東神泉寨今相度到米脂東北四十里去神泉寨約六七十里暖泉山

可以建置包占天都山一帶地土百里遮護義合堡詔
呂惠卿更切相度地形險固可以控扼賊馬來路及有

水泉合行進築卽斟酌事力及時興工

四月十四日暖泉寨賜名孫覽

墓誌銘烏龍距延安之暖泉山二十五里而榆木與米脂直於是秦晉始合寇不得至麟府矣榆木即神泉也
二十二日進築烏龍惠卿家傳云於是築暖泉以通河
東築金湯以通環慶會梁氏死乾順遣人款塞告哀謝
罪且請和惠卿以為軍興之久中外力疲今此乃不可
失之機會而涇原方築天都諸路自用兵以來侵耕生
界於其外建置堡鋪補全邊面直且令西人執送生事
首領珪布默瑪凌結鄂裕而約以把截堡鋪外巡綽卓
望所至為界然後許以通進公牒庶往復間天都畢工
而諸路邊面例皆牢固可以久遠無疆場之患而朝旨

謂西人近寇涇原狼狽遁歸計窮請命理難便行收接假令異日許和亦須畫河為界既而遣使三輩來惠卿秦東應谷而牒言梁氏之死乃北敵遣人酖殺之使乾順自管國事惠卿以為誠有之則其欲西人之歸已可知若我應谷太迂所求難與彼見無接納之期則是怒彼以堅北敵之歸而深我之讎也而畫河為界無肯聽從之理乃上疏極論其利害曰西人之所以有河外者以有河南為之限隔也所以有河南者以有橫山為之阻固也今若畫河為界則所以為限隔阻固者皆失之矣彼豈不思一葦之水頃刻可渡據橫山之險他路臣固不能盡知之只如本路所築九寨與今暖泉之通河東金湯之通環慶幸皆就緒所得疆土東西殆千里而南北遠者乃至百餘里若又於新寨之外更拓三二十里以為堡鋪則形勢膏腴占據殆盡非昔日巡緝卓望所至為界之比也今乾順因其國母之死歸咎臣殺之以謝罪而請入貢則我雖未能一舉以覆其巢穴然

自有國以來用兵西方而能所為必成所伐必克使天威遠暢醜氏震疊未有如陛下今日之盛者也兵法曰兵聞拙速未覩工之久也兵久而國利者未之有也高宗伐鬼方三年克之猶為億今軍興四年矣兵之在邊者日夜候望而不能息兵之在內者非時調發而不得下則士馬日以益困矣臣之至邈初年糧食有支歲計者備添屯者有五年之蓄者有諸司封樁者今會而為一不能給散數月之食財用日以益窘矣今因其謝罪而不即納乃為不可得之辭以絕其來望而怒之堅使北敵之歸恐非計之得也且兵家之事有勝有負萬一路戰守之間偶有失利或天時饑饉有不可知而此敵有求而不得與之協力以困我當是之時雖思其有今日之請其可得乎禹征有苗而益贊之曰滿招損謙受益時乃天道蓋當治強之世窮兵力以征一國為不難所以不為者惡其太滿而不謙非天道之所與也況力不足而強為之乎老子曰抗兵相加哀者勝矣又曰

禍莫大於輕敵罪莫大於欲得今西人歸罪於姦而殺之以謝則是兵加而哀矣若我因以為易與而遂有畫河為界之求則是違伯益之謙而並犯老子之三戒矣伏願陛下更與執政大臣深計究議考自古西戎之難服保持今日已得之成功勿疑乾順自歸之信誕深虞北敵乘隙之詭謀自量中外之事力深思兵久之非利遠鑒高宗伐鬼方之億而合之以伯益之謙滿老子之三戒勿令輕敵不知足欲得之過有在於我而兵加而哀與愛惜生靈之言乃出於敵如臣前請姑令執生事之首領送歸朝廷而約之以新疆堡鋪之外為界以俟進築之畢功然後許接公牒無過遲延絕其來望以堅北敵之歸而為我患天下幸甚既而乾順遣使者來辭益恭朝廷亦得其近上首領道其密謀以為急則納土北歸於是詔趣惠卿即接納焉此合附四月七日

是日上以西人叩闕請命甚悅輔臣皆言祖宗以來

邊事未嘗如此元昊猖狂朝廷之遣使告北敵令指約
今其計窮引咎可謂情見力屈朝廷威靈固已震動四
方兼邊事自爾收歛於公私為利不細上亦曰公私之
力已不堪章惇等又言北敵方遣使勸和今彼已請命
更無可言者此尤為可喜上曰慶歷中乃至干求北敵
惇曰此是呂夷簡及臣從祖得象為此謀其人皆無取
故至於此及富弼奉使增歲賂二十萬半以代關南租
賦半以為謝彈遏西戎之意魯布曰近世宰相夷簡號

有才其措置猶如此今日邊事乃出於陛下睿明應接
聽納之際動中機會故能如此上曰夷簡實有才布曰
夷簡丁謂皆宰相之有才者然趣操皆不正上曰丁謂
小人惇曰謂誠有才非夷簡比當元昊旅拒時或謂若
丁謂在朝應接必有理元昊以戊寅歲叛謂以丁丑歲
卒布曰丁謂雖有才然實小人也布再對上又曰邊事
可喜祖宗以來未嘗有此布曰臣以為陛下睿明聽納
之際動中機會故能如此古人以為好謀而能聽人主

於能聽最為難事若所聽者當何事不濟今日邊事朝廷但示以經畫大方一切責在帥臣令其見利則動不強其所不能故舉有成功而無敗事邊庭所以震動屈服亦以是也 知雄州張赴奏乞開浚雄州續城河道又乞增修外羅城樞密院言外羅城昨熙寧泛使蕭禧來理會尋有詔許以不增修令張赴遵依詔旨其河道依年例施行不得張皇引惹

丙戌熙河蘭會路經略司言洮西沿邊安撫司申夏國

衙頭首領鄂特丹卓勒瑪於喀羅城差蕃部尚錦等齊蕃
字及尚錦等分析鄂特丹卓勒瑪元係遼川大首領溫錫
沁弟溫阿旺格男元名阿敏走投夏國有王子改名作鄂特
丹卓勒瑪令遣人齎送蕃字欲歸漢詔熙河蘭會路經略
使孫路選兵將以討蕩招納為名至喀羅以來多方誘諭

鄂特丹卓勒瑪等迎接歸漢

青唐錄

詔右金吾衛大將軍秀

州防禦使叔澹特與換宮苑使依舊秀州防禦使

御集丑月十三

日 朝請大夫光祿卿胡宗師為直龍圖門權知鄆州

丁亥詔自今賜邊臣茶藥銀合許以西人封樁歲賜銀充

戊子樞密院言廊延路經略使呂惠卿奏近差本路鈐轄劉安統制將兵招誘神雞流北佃巷口逢凌結鄂裕斬首四千餘級降四百餘人詔軍兵支錢有差得功人

保明以聞

初六日奏遣劉安等布錄云斬五千級特支七百呂惠卿家傳云西人以並建城寨奪其

耕牧之地而復數遭掩擊部族離散來歸者日益以多凌結鄂裕率衆營險以阨之欲歸者不得至二年二月惠卿遣劉安以第二第四將張誠以第一第五第六將李希道以第七將會於精勤泊以擊之三日至烏延川

四日至神難流遇賊三千餘騎六日至巴勒濟埒克遇賊五千餘騎七日至魯遜滿達勒遇賊七千餘騎安等遭賊皆破之斬首四千餘級降者五百餘人獲其器仗牛羊十餘萬以歸於是築暖泉以通河東築金湯以通環慶

熙河路經略使孫路繳連夏國部落威明密齋南路都統威明律凌書稱夏國欲遣使再乞修貢已回報言如朝廷回降指揮別得馳報詔孫路不合擅收接西人書及便回答文字特降充寶文閣待制如再來計會即說諭別無回降指揮如有事告朝廷即合於正路通達

元年八月二十七日自慶改熙

樞密院言三班借職徐子安狀朝廷

立法令諸路逐將所將兵馬分作五部差部隊將各自
提點比見諸路將副多不依朝旨雖出入分定五部却
不合提點管轄例各輪差把截邊堡如遇出入於前一
日勾抽旋行差撥人馬管押其所差到人兵雖係本將
人馬即非自來親自點閱之人故使上下人情不相諳
信雖有曾經戰敵部隊將却差到下等人馬其間未經
出入之人乃各不顧條法豫行結託例得強壯精銳人
馬竊慮誤事有妨驅策緣朝廷於諸將下差置部隊將

蓋責以各自訓練軍馬如內有不諳戰陣怯懦之人合
具不職事狀別選舉使臣抵替豈得於輪差把截邊堡
及於行陣之際施行移易若更因依挾情差負犯停廢
及得替待闕使臣揀選精銳人馬付之徵倖功賞尤為
不便緣五部部隊將平時訓練軍兵及臨戰陣却以所
部兵馬付之他人殊失朝廷差置部隊將之意詔陝西
河東路經略都總管司嚴行覺察違者以違制論

新錄
刪修

云詔陝西河東諸路出軍不得移易部隊將今經略都
總管司嚴行覺察違者以違制論從三班借職徐子安

之言也初子安上請樞密院
進呈上頗稱善故施行之

環慶乞以二月二十六

日築定邊寨許之

正月十二日相度
三月七日畢工

己丑樞密院言承議郎提舉熙河蘭會路弓箭手李夷
行申招刺之法先經本府及州軍相去不下三兩程以
上往反已是勞費及將司百端邀阻有留滯十餘日不
能拍試以此多不敢應募乞除將副在城寨許赴將副
如帥司州軍相近即於以次近將副處拍試收補又逃
亡空地既不緊行招人又不速勒租佃即因此人員可

以冒種兼城寨使臣往往借賃牛具選擇肥田私自耕種或收授馬料其為姦弊不可勝言今欲乞令本城寨將空地分作等第出榜召人出租權佃如逃田內有山石委是不可耕種者委提舉官相度除放又闕馬人元給到添給地五十畝依條限半年災傷更展半年如不買到馬即許有馬請射今本路闕馬不少例各經隔年歲不魯勾收地土亦不魯召人租佃使之坐占美地安肯備錢一半收買馬今欲乞闕馬人更不拘收添給地

土據其肥瘠認定每畝租課雖在半年限內亦令送納
候買到馬日除放又弓箭手初買到馬全給官錢比來
芻料翔貴憚於牧養往往故有死損又將出界止揀壯
馬前去其闕馬人各不隨軍內有一指揮只揀得一二
十匹出戰者乞令就近將官并城寨使臣常竊體度將
貧闕不能贍馬人許令願養馬者允養并贍馬地隨馬
給付即不得兌與人員及有物力頑猾之人又人貧多
將錢物借與長行租種地土及借與牛具籽種與之合

種分收租課致長行貧乏有誤出入乞令所屬體訪覺

察違者杖一百錢物不追並從之

新錄刪修云樞密院言提舉熙河蘭會路

弓箭手李夷行言乞許弓箭手就城寨將副處招刺以絕州府往返勞費及留滯邀阻之弊又請募人權佃逃田以絕人員冒種之弊又請闕馬人於添給地振肥瘠起租有馬即除之又請貧闕不能贍馬之人許令願養者免養隨給贍馬地惟免與人負者勿許又請人負以錢物借長行號為合種者立法禁止詔並從之

邵鰥乞免團結錢監及遞鋪兵應副涇原詔罰金十斤

閻令李諲專提舉錢監先乞團結令諲皆應副涇原調

發故也鰥不預涇原事獨有此請因罰之

布錄已丑

庚寅軍頭司引見涇原路擒獲西界統軍威明阿密穆
賚多卜等共二十七人詔並特貸命釋縛押赴懷遠驛
廊延奏乞止以兵五千應副環慶從之

辛卯樞密院言河東經略司奏投來西界偽鈐轄耀
密滂等雖無文憑緣有舊管蕃官指證不虛詔河東經
略司依偽鈐轄例補官及支賜 又言近降朝旨令章
案相度於鴈摩會洒水平或秋葦川進築城寨將來若
於鴈摩會洒水平進築了當其正原自係近裏地分不

須枉費財力進築詔令章淦相度利害務要簡便

甲午大食國遣使入貢

乙未詔吏部守令課績在優上等即關御史臺嚴加考察如有不實重行黜責從吏部之請也 河東路經略

司言副總管王文振等詣生界相視得烏龍川北嶺地形險固堪充守禦城寨詔如委與神泉寨米脂葭蘆寨緩急聲援相接可以控扼及有水泉即及時興工進築

四月十四日賜名神泉即榆木孫覽墓誌云烏龍距延安之暖泉山二十五里而榆木與米脂直於是秦晉始

合寇不得
至麟府

少府少監分司南京趙君錫卒 是日魯

布言章惇蔡卞施行元祐人衆論皆為過當然此豈為
詆訾先朝大抵多報私怨耳惇卞初相得故惇於卞言
無不聽及與卞相失則卞多持其所短故惇畏之不敢
不從但陪笑而已衆莫不笑之今朝廷政事一出於卞
惇無敢違者上曰蔡京尤與惇不足布曰惇於蔡氏兄
弟無不畏者近頗欲屈意求和於京而京不為之屈衆
尤哂之宰相每以義理處事何畏人之有惇短處多故

不能彈壓衆人人皆不畏之而未免畏人也近日外議
有一事深以為不平此乃有實狀陛下昨欲復道洛司
堆垛場事惇力陳以為不可卞亦然之衆論亦皆以為
不可復陛下詢訪知利害降屈聖意遂從其請收還文
字中外稱誦聖德萬口一辭及蔡卞欲復行市易法而
惇不敢遏仍復以呂嘉問主之中外洶洶不平許將亦
曾為臣言及此事市易之害與導洛司無以異止是熙
寧中王安石所主故卞必欲復行導洛乃元豐先帝所

行故無力主之者以此言之誠可不平市易用千五百萬本錢得息錢九百萬失陷者乃七百八十萬徒作一大事一無所得復行之何益臣嘗以論市易得罪安石亦罷相臣亦貶嘉問亦貶上曰安石因此罷相布曰然遂引惠卿為參政及貶臣乃惠卿力主之安石已去位矣臣立朝至孤寡合側目者衆近日序辰嘉問之徒經營中傷無所不至有李積中者今日亦上殿積中與臣有瓜葛昨在江西為縣人多言其不廉今知解州朱彥

博時為轉運判官不肯薦之以臣故但保全之而已昨
既改官累于臣求差遣臣答以向為縣無廉聲何敢為
求差遣以此怨怒臣既而周秩舉京西運司勾當公事
及為陳次升言知縣不當舉差遣遂罷乃一向毀臣以

悅蹇序辰輩故呂嘉問薦之

嘉問薦積中在去
年八月二十六日

上殿得

提舉官

去年十二月十六日
積中除湖南常平

初欲經營令為御史欲彈

擊臣私事臣苟有罪惡此輩必不為臣掩蔽亦不敢冀
朝廷寬貸苟有所陳願賜推治正名定罪痛行貶黜上

曰與卿是甚親戚布曰積中妻乃臣女壻之姊常來臣家臣與之親舊一旦干求差遣不得便毀臣以求合序辰輩但觀此舉其人可知陛下嘗以為存乎人者莫良於眸子積中眼目如此亦可見其人也上曰安惇言欲令臣舉積中作御史臣不敢從布曰安惇本非惡人但畏序辰輩不敢不附麗爾陛下擢邢恕作中丞終不免附此黨既又擢安惇亦然蓋序辰嘉問輩凶黨甚盛人重足一跡無不畏之者雖凶焰如此惟臣不畏之布

又言凶黨方熾善類畏縮陛下排衆論擢趙挺之郭知章輩為從官然此輩皆畏凶黨不敢有所陳陛下曾見此輩敢有一言及此黨不是事否以至近日詞頭亦無敢繳者可見其畏懼也然此輩如此皆未足以稱陛下拔擢之意臣被遇兩朝今日得事陛下恩眷之厚臣非不知昨所以懇求致仕正謂避此輩爾臣衰朽疾病無補朝廷實有歸老山林之意非如他人顧戀寵祿為保身之計亦不敢讒毀他人以為進身之地亦不與人爭

進然凶黨窺伺中傷之意如此欲陛下知之爾臣孤拙
無一黨援亦終恐難安臣只俟邊事稍見次第汎使還
塞臣未免再干煩聖聽乞伸前次上笑而已

丙申詔吏部員外郎孫諤與合入差遣以元祐訴理有
銜冤飲恨之語故也

諤卽武軍人楊時誌其墓並三月十一日左膚十一日章但云吏部

員外郎與合入差遣不云送吏部後乃送吏部元符三年十一月五日自司勳為右司

是日詔

三省樞密院有邊事處師臣替移同取旨

布錄在三月丁丑

先是三省欲以涇州與樞密院易思州與堂吏時恪從

之魯布因言近邢州韓治滿一年三省再除人今恩州李諒未半年三省亦再除人乞立法上以為當然遂得旨今後互差闕未及一年不許再差人布再對言州郡互差闕已立法臣又嘗與三省言帥臣差除二府同取旨至辭恩命乞差遣或罷帥別有除授密院多不預聞如孫覽屢乞差遣直至欲除林希方率密院同取旨亦當立約束上然之既而章惇不可故止以此條進呈丁酉禮部言高麗人使乞收買冊府元龜資治通鑑看

詳冊府元龜元祐年曾賣外其資治通鑑難令收買從之翰林學士承旨蔡京言乞文臣一員同共檢詳應答泛使字文欲差正字方天若從之又乞同泛使上殿上問曾布如何布曰京亦曾為臣言恐泛使奏事上有對答語與副使同記臣答以泛使雖直前奏事上必不答上曰若再三有所奏請如何布曰亦止是令歸驛說館伴朝廷必有指揮恐難便可否其所請上然之遂已又乞降對答畫一指揮悉如擬定曾收奏泛使蕭德崇

等到白溝不肯乘遞馬欲帶北界人馬至雄州如蕭禧
例禧當日凡馳畜車乘皆至雄州德崇已交割畜乘獨
欲留人馬至雄州而旻與張赴堅執不從初朝旨令從
長相度施行旻既拒之却有二貼黃一云理當堅執一
云俟其詞婉順即依從所貴不失其歡奏狀止云謹奏
而貼黃中却乞朝廷指揮章惇堅以堅執為是魚帛曰
但當依前降指揮令從長相度施行許將亦以為當然
上疑之顧蔡卞以為如何卞曰須慮後來可堅執否兼

恐他云因何待遇不如蕭禧博曰但堅執必不能久留
不敢不聽布曰萬一不聽如何必更奏稟朝廷若從之
則是前後三降指揮皆不同恐失體若謂彼必不敢不
聽陛下信得及否兼旻曾稟執政亦曾說與度不可爭
不若便從之今既堅執又却云欲依從自是執不定上
曰如此是旻處得不是遂如布所奏再對上問布昨日
商量曾旻文字布曰只今早商量初意便以堅執為是
故旻赴皆堅執然臣素以為難若朝旨數反覆不同非

便兼泛使來方與議大事不須以小事致其忿怒却更生事費力章惇於邊事論議多如此臣亦未嘗敢曲從每有所爭論未嘗不正色折之不爾則不足勝惇兼稱屈則便為惇所陵慢矣上哂之布又曰臣於章惇蔡京蔡卞輩無所適莫惇是則從惇京卞是則從京卞未嘗敢以私意變亂是非上曰國事固當如此惟是從之布曰臣與同列每言公家事當以公議處之何所用心於其間上曰當如此布曰臣嘗言善惡各有類蔡京孜孜

欲辟一文臣於館伴所乃意在方天若爾臣屢言天若
險薄不可任使今置之館伴所猶不妨若其他薦引願
陛下更加裁察上曰在館伴所無所妨布曰臣前日論
李積中亦止為其險薄可惡上曰眼是如此上視布曰
執政從官於朝廷令中丞舉御史之際廼私薦引其黨
人此其為罪甚大以至臣言常立毀先帝却欲引作諫
官陛下欲行導洛事則力爭以為不可蔡卞欲行市易
則無敢爭者章惇於市易事深以為不便累曾對臣言

其罪又云這箇行得多少時且從他許將黃履亦聞之
此三事皆不可貸之罪若令臣有一於此必不為衆所
容排陷必矣臣以赤心事陛下無所隱然此等事欲奏
陳而不敢啟口者亦十有七八然終不敢不言者以人
情外議如此陛下不可不知惓惓如此欲陛下周知人
情物議於睿明不為無補爾上欣然曰是是 右正言
鄒浩奏臣伏聞曾叟往界首接伴北使與之紛爭累日
方決終不能奪北使之議臣以得於外論無由備見本

末若果有之所係不細蓋彼我紛爭不過是非兩端而已謂眈等所爭為是則終不能奪北使之議是捨是而從非也謂眈等所爭為非則安用紛爭累日方決是以非而為是也捨是從非則必為北使所屈以非為是則必為北使所窺二者必有一焉眈等曾不審處於未見北使之前而乃輕發於已見北使之後此何謂也又况泛使實與常使不同既未知其的為何求而來正賴接伴豫以道理處之使不能妄有生事之漸而乃無故啟

其爭心尤為可罪伏望聖慈特降指揮推究敗等如委

有上項事迹即乞重行黜責以為後人之戒

正月七日
雄州云云

可考 詔以度僧牒千道賜河北安撫司瀛定各三百魏

鎮各二百令歲歲回易收息添助修葺城壁樓櫓軍器
等他用者以違制論不以去官赦降原減 詔熙河發

遣李公緒乘驛支盤纏上京公緒乃告王舜臣妄奏首

級事上曰須與一官眾皆曰公緒為朝廷惜得濫賞官

職不少兼邊吏因知警懼當有以獎激上曰與三班奉

職 詔故銀青光祿大夫檢校國子祭酒知溪峒新遠
州軍事兼監察御史田知遷長男彥伊特承襲

乙亥奉議郎魯王宮大小學教授石豫為監察御史從
中丞安惇薦也先是惇薦豫及承議郎京東轉運司管
勾文字康謂上問曾布如何布曰豫極無狀謂亦俗才
如此等人何足置之言路然豫竟為御史

康謂以承議
郎京東轉運

司管勾文字提舉夔路

常平在三月十三日

庚子權殿中侍御史鄧樂言伏見權發運司勾當公事近

日執政大臣與駙馬都尉皆用恩例以親戚陳乞伏望
下有司立法詔張敦義罷發運司管勾文字

辛丑詔皇城司任滿依熙寧五年指揮酬獎元祐嘗減
恩例却增再任酬獎而熙寧舊條再任未嘗推恩蔡卞
以為責重不知何故不賞曾布曰再任者皆都知押班
每任滿即須再任故舊條不賞上令再任滿無遺闕取
旨

壬寅朝議大夫集賢殿修撰新差知江寧府劉定知廬

州朝奉郎直秘閣新差知越州呂升卿知江寧府右正
言鄒浩奏伏聞新知廬州劉定前知陳州日恣為貪污
不法等事近因臣僚奏論已降指揮差官根治去訖其
劉定雖未即正典刑委是有罪戾難赦之人豈宜更令
冒赴新任以辱兵民重寄伏望聖慈詳依曹青罷知河
中府近例先次放罷聽候朝旨施行

從違當考賈青罷
在正月二十七日

欽定四庫全書

史部

續資治通鑑長編卷五百八

詳校官檢討 臣 劉錫五

刑部郎中 臣 許兆椿覆勘

纂修官編修 臣 蘓青龍

謄錄監生 臣 單可茲

欽定四庫全書

續資治通鑑長編卷五百七

宋 李燾 撰

哲宗

元符二年三月甲辰朔左司郎中賈種民為太府卿

章惇奏乞差秦鳳并岷州第四等以下保甲應副進築
城寨從之初眾議以保甲下戶難於調發外臺申請數四
皆却而不從惇以為上中等戶至少不得下戶無以集

事乃從之

乙巳朝奉郎集賢殿修撰知潤州龔原降授奉議郎餘依舊以元祐訴理所除雪犯罪改正也

己酉青州觀察使仲覽卒贈開府儀同三司追封沂國公謚良信

壬子涇原路經略司奏乞將京東西路蕃兵將廢罷仍將蕃兵依舊各於順便城寨隸屬逐將統領與漢兵相兼差使從之秦鳳路依此

此據章綬奏議增修仍具綬元奏及獲朝旨于後元符二

年三月九日涇原路經略司奏准元符元年六月十一日樞密院劄子臣僚劄子奏訪聞得涇原路蕃兵自來以往坐近便分隸在逐將下所管凡有出入本將全藉引路探望伏截捉人使喚易為得集蕃兵亦無枉有糜費盤纏昨來自團結為東西路蕃兵將校每有勾集在邊住坐却來近裏將下赴點差使不下一二百里往來甚有費用未知出入之處已有數百里之勞人馬疲困漢蕃皆言未使人情與熙河路事體不同其五州軍相去不及二百里至界首不滿百里逐州從初各置蕃兵將分勾集百里之地無虛勞擾欲望聖慈詳察蕃情下經略司更切體量具利害聞奏臣伏覩廊延環慶路蕃兵最多見分在逐將下管幹極甚安便欲乞早降處分貼黃稱臣近過秦鳳沿邊城寨亦見漢蕃人言所置蕃兵將即非便利人情未安亦乞下本路具利害聞奏旨令涇原秦鳳路經略安撫司詳上件事理子細依公體問相度昨所措置有無不便事理如委是未便今來合

如何措置施行具經久可行的確利害結攬保明事狀聞奏勛會本路蕃兵自來以住坐地里遠近順便城寨分隸在逐將每遇出入與漢兵相參使喚別無闕誤兼逐將又得蕃兵選委引路探事之類昨自紹聖三年內因鍾傳奏請以熙河有專置蕃兵將本路彭陽城駐劄第六將減罷改置東路蕃兵將如綏寧靖安乾興天聖寨係各有邊面去處水洛城駐劄第十二將咸罷改置西路蕃兵將如靜邊隆德得勝治平寨亦係各有邊面去處每遇勾集其緣邊住坐蕃兵却來近裏將下應點差使其間有一二百里往來極甚勞費委是未便兼與熙河事宜不同及契勘本路進築過六城寨七堡子合用戍守人馬並於諸將下正兵漢弓箭手內幫撥前去緣逐將各有所管邊面地分闕人照管本司今相度若將東西路蕃兵將廢罷却將蕃兵人馬依舊各於順便城寨隸屬逐將統領與漢兵相兼差使委是經久利便今狀結攬保明是實伏乞朝廷更賜詳酌特降指揮樞

密院批狀勘會紹聖三年內降朝旨團結涇原秦鳳東西路蕃兵將近方立法排定將分兼亦曾行下秦鳳路相度奏到本路東西蕃兵兩將委是順便只合依舊致朝廷難議別降指揮其本路近創置第十三將應漢蕃兵馬已令並隸本將管轄訓練去訖四月
二十七日送涇原路經略安撫司照會

癸丑詔諸帶供御對御牌子祇應人以牌子借人及令人代名若本轄官以帶牌子借人及借代者各徒被借使人減一等

新無

甲寅詔輔臣今月十四日分詣宮觀寺院等處祈雨

監察御史兼管殿中侍御史左膚言臣伏覩朝廷近以

孫諤在元祐中理訴語言不順罷諤吏部員外郎按諤在元豐中以監制勅庫漏落條貫罷去則是因緣職事無甚可矜而元祐中三有訴陳且言幸遇朝廷欽恤刑獄使銜冤飲恨者皆得以上聞恭惟先帝在位明德慎罰諤指元祐為欽恤則是先帝未嘗欽恤也由此觀之則諤訟先帝者也其曰使銜冤飲恨者皆得以上聞臣不知諤指何人為可恨乎若以為元豐大臣為可恨又緣已出先帝聖斷兼今來訴理官司奏陳改正事件其

間得有罪者蓋緣得罪先帝非為得罪當時大臣也由
此觀之則諤不獨訟先帝而反恨先帝者也為人臣者
措意及此萬死有餘而三省議罪止令罷職却與合入
差遣借使孫諤今係知州或監司資序則是朝廷猶欲
以訟恨先帝之人為監司郡守乎臣雖至愚猶知其不
可況在陛下聖孝昭明紹修前烈而有司視諤為可怨
之人哉詔孫諤送吏部與合入差遣遂出知南劍州

知南

劍州據楊時誌諤墓二月二十三日已詔送吏部與
合入差遣左庸論列後詔復如前蓋前未送吏部也

樞密院言廊延路經略安撫使呂惠卿言德靖寨西南舊金湯寨地形險固三面各有天澗洛河水泉可以修充守禦城寨與環慶路聲勢相接本院近據廊延路奏欲進築暖泉山通接河東神泉寨兼河東見於烏龍川進築照應米脂一帶道路又相度得府州端正平可以修建堡寨頗卜朗茂鄂蘭尼羅朗各可修築烽臺及那第五將往彼駐劄不添置官吏兵馬詔河東經略使孫覽相度險固控扼水泉足用經久決可守禦即用工修

築

四月七日築端正平五
月六日金陽城畢工

丙辰遼國泛使左金吾衛上將軍簽書樞密院事蕭德
崇副使樞密直學士尚書禮部侍郎李儼見於紫宸曲
宴垂拱殿其遣泛使止為夏國游說息兵及還故地也
德崇等見上遂言北朝皇帝告南朝皇帝西夏事早與
休得即甚好上顧張宗高令荅之曰西人累年犯順理
須討伐何煩北朝遣使德崇等唯唯而退 進築定邊
城畢工賜環慶路經略使胡宗回以下茶藥銀合有差

宗回仍復寶文閣待制

正月十二日相度二月二十六日進築四月二十五日置蕃兵

將

右正言鄒浩言臣伏見遼國人使已於今月十三

日朝見外議以為非泛使不至中國久矣今此叩廷決
不虛發若非本國自有所請則必為羌人請命而至此
實大事尤在審詳竊廟謀已有成筭足以為國家長久
之利然臣伏觀祖宗以來每有大事雖廟謀素定亦必
謀及在廷之臣以參用其智蓋所以致戒於未然之前
而不至貽患於已然之後臣今欲乞依祖宗故事廷集

百官或只侍從示以違意曲加詢訪其愛君慮國之心既非一日宜必有至計遠略可備採擇以為萬一之助者伏望聖慈詳酌特降指揮施行不從

丁巳外都水丞李偉乞於澶州之南大河身內開小河一道待漲水紓解大吳口下注北京一帶向着之患僻之賜廊延路統制官韓昇銀合茶藥有差以應援修築定邊城故也 賜呂惠卿銀絹各二千匹兩對衣金

帶鞍轡馬以累遣將兵斬獲并招攜西人數多故也

廊延

路走馬黃彥奏劉安李希道等出塞力戰獲五千餘級
詔賜呂惠卿獎諭銀絹各二千對衣金帶鞍馬並遣中
人黃經臣賁賜及犒設出塞將士有
功者賜銀枕三兩輕陽二兩布錄

秦鳳經略司言

有偽鈐轄烏莽格等將帶部族三百九十七人孳畜三
千以來并偽牌印歸順詔烏莽格補內殿承旨首領李

葉補右侍禁及賜銀絹有差餘令經略司量事力宣補

正月二十
一日可考

秦鳳路提點刑獄權經略司孫賁補降羌

名目太高罰銅二十斤 呂惠卿言討蕩西界魯滿達

勒等處脅降到王固策稱係西界街頭服事小大王王

差往宥州統領處充走馬詔特與右侍禁添差充太平
州指使 詔孫路叶力應副涇原進築 樞密院言賀
北朝生辰使副試禮部尚書蹇序辰皇城使秦州團練
使李嗣徽於北界合得擡箱錢不以例收受充折小絹
又見辭日於客省帳不依例茶酒并受香藥酒添一拜
匿不以聞并輒受移宴就館押送使副從人擡箱馬共
十匹詔大理少卿周鼎權殿中侍御史左膚就寺置司
取索推究先是序辰等既坐違例受擡箱絹各罰金八

斤又自言移宴就館得例外馬取旨上欲遂賜與魯布
曰序辰擅收擡箱絹隱藏五六次不以實對章惇謂罰
金太輕如此則自今奉使者人人敢擅改故事據理自
當降官或罷賜與若罰金亦湏三二十斤臣緣序辰數
見侵進呈時不敢不就輕典若更賜與例外馬恐三省
以為不當上曰罷之

此段在二月二十日乙未

已而三省密院同

進呈王詔語錄有跪受香藥酒舊例不拜遼人言序辰
已拜詔亦拜并序辰於客省帳茶酒皆非舊例即詔序

辰詔等分析

元符元年序辰為生辰使王詔為正旦使

序辰乃言范鏜

紹聖三年

生辰使

林邵

四年正旦使

皆魯拜而鏜邵及張宗高副林邵者

皆云不拜蔡卞曰須付有司布與惇亦以為當上許之
布又進呈序辰所修儀式冊但云跪領無先拜之文兼
檢到紹聖以後奉使臣僚申到儀式皆云跪受跪領訖
就一拜起序辰所修乃增以請大使出班先一拜跪興
十字又於客省帳茶酒亦無例序辰妄引祥符二年王
曉例曉乃弔喪序辰賀生辰固不同又序辰上殿劄子

云舊儀式已編次如王曉等變例亦乞編次付將命者
貴臨事有所折衷此蓋序辰文過飾非黃履曰此欺罔
太甚兼此數事皆未足論序辰將命見日遼主當有宴
移於客省帳又當大宴亦移就館遼人待序辰一切簡
慢禮數而序辰乃獨增拜及宴日例外贈馬欣然受而
不辭此最辱命及歸又不具以聞便關國信所請綃此
尤為不可

此段在三月
十二日甲寅

上令送御史臺章惇曰安惇與

序辰同職事者訴理恐不可上曰莫不妨布曰此事固

不可變易然恐有嫌則周鼎亦可使若更以一言事官同之則無不盡矣乃降是詔博布又言天久不雨恐有德音則制勘但為空文耳乞不以赦降原減上從之

右正言鄒浩奏臣伏聞蹇序辰奉命使遼頗失使事之體為遼人所慢除改例受綃既已施行外其宴於客省及飲酒輒拜等事見行取問臣竊以使事所係實為朝廷重輕故雖一言一語之間猶必致謹而不敢忽況有大於此者今序辰乃宴非其所拜不以道曾不思故事

當循而惟遼人之命是從遼雖無知豈不萌輕中國之心乎孔子曰使於四方不辱君命可謂士矣士且不可辱命而序辰為尚書反辱命如此宜典刑之所先而不赦也然序辰善事執政世所共知竊慮早晚供到文字進呈之時執政必有多方致力為序辰之助者萬一此計得行有所寬貸則不惟無以懲戒後人兼恐彼中目此指為故事永不可改其耻不小伏望聖慈深賜省察出自獨斷重行黜責以慰天下公議

祁州防禦使知

大宗正事宗粹為蔡州節度使

戊午詔禮部貢舉

八月三日魯布
云云或移見此

已未御史中丞安惇言元祐初姦臣訴理所將熙寧元
豐以來斷過刑名輒行奏雪曲陳事理訛謗先朝歸怨
君父陛下委官考閱案牘凡千餘人其元斷重輕一一
當罪已具聞奏節次得旨改正施行所有元看詳官劉
摯孫覺胡宗愈傅堯俞管勾文字葉伸蘇嘉朱光裔吳
儔陳鄂等罪跡顯著義不可容望詔有司具逐人到所

月日審察情犯特賜施行詔朝奉大夫致仕葉伸特降

三官陳邪吳儔蘇嘉朱光裔並特勒停

惇建議看詳在元年六月二十

日

館伴遼國泛使所言蕭德崇等計會朝見交割禮

物稱有玉帶并小繫腰元無封印館伴蔡京等詰德崇

不印封因依德崇曰常禮是有司排辦金玉帶珠子繫

腰是北朝皇帝親繫者臨行時當面付授所以無封印

詔劄與御藥院取旨回答初宰臣章惇以為恐無禮執

政皆曰彼乃欲以為勤厚也上然之詔涇原路走馬

入內供奉官利詢特轉一官供備庫使曹諗左藏庫使安侖
三班差使路琮各減二年磨勘仍賜帛有差以照管捉到西
界統軍威明阿密監軍穆賚多卜等到闕故也 樞密院創
為熙泰冒賞降官各將副以上例追兩官部隊將例追一官餘
名各以所冒對行降官展年情重者取旨從之 布錄已未斷
旨存乙酉
庚申河東經略司言知府州折克行捉到西界偽鈴轄
哩旺扎布係是先歸順人供奉官伊錫親兄其哩旺扎布
雖係闖敵捉到緣正當誘脅招納之際乞令其親弟

伊錫等同共保管哩旺扎布只令府州羈縻住坐在撫

北界首領各圖歸漢從之

伊錫又見五月十三日可并或都削去

涇原

路經略司言進築通峽溫羌九羊寨石門堡畢工詔進

築將吏各減一年磨勘循資及賜銀帛有差

布錄云賞功比安西

稍優而殺於平夏一等

涇原奏西路兵馬會合並聽王恩節制

辛酉以管勾剽竄所蕭世京為吏部員外郎宣德郎提

舉秦鳳等路常平張行為戶部員外郎世京在元祐

中嘗上書言先朝青苗免役法便民可以久行又言

中書收吏部善闕以應門生故吏世族之求執政之門
炙手可熱公道厄塞私恩太盛疏奏留中不報至是上
出其疏乃擢之行亦元祐中疏奏乞復行免役凡四十
餘章前已擢使一路至是又遷焉 河北路轉運司言
昨據乾德軍申舊有乾寧倚郭一縣自商胡口決人戶
流散准朝旨廢併入本軍近年人戶多已歸業增及萬
戶已上合與興復為縣從之

壬戌禮部言尚藥奉御判太醫局孔元狀乞將神醫普

敕方差官校正付國子監鑄板頒行從之

新無

遼國泛

使蕭德崇等致其國書云肇自祖宗開統神聖貽謀三
朝通五世之歡二國敦一家之睦阜安萬宇垂及百年
粵維夏臺寔乃藩輔累承尚主迭受封王近歲已來連
表馳奏稱南兵之大舉入西界以深圖懇求救援之師
用濟攻伐之難理當依允事貴解和蓋念遼之於宋也
情重祖孫夏之於遼也義隆甥舅必欲兩全於保合豈
宜一失於綏存而況于彼慶歷元豐中曾有被聞

皆為止退寧謂輒違先旨仍事遠征爾後移問稠
重諭言委細已許令於應接早復罷於侵爭儻蔽議以
無從慮造端而有自則于信誓諒繫謀維與其小不忍
以窮兵民罹困弊曷若大為防而計國世固和成特戒
使輶往達誠素向融淑律加裕冲襟館伴使蔡京等申
與蕭德崇等食不就坐出文字一卷京等累拒之德崇
乞聞達然後收受詔京如文意係干夏國事即許收接
以聞京等收劄子奏稱夏國差人告奏與南宋歷年交

和忽於諸路齊發人馬大行劫掠今則深入近裏地分及於朝廷邊界相近諸要害處多修城壁侵取不息伏望計會南宋却令還復所奪疆土城寨盡廢所修城壁奏呈奉旨仰勘合再奏尋檢勘到大康七年淮南宋牒以夏國囚廢其主差兵追取作過罪人續准夏國告奏南朝無名起兵討伐尋經移文理辨後又委十年正旦國信所計會定其與夏國往復事體許令依舊休退兵馬又大安八年夏國主乾順狀奏南宋再有興兵尋行

牒報回到公文惟是近塞方得驅逐如能悔過亦許應
接前次已指揮夏國依應施行訖再奏呈奉旨夏國元
是當朝建立兩曾尚主昨為南朝討伐已曾計會定前
項事因今來更不牒報再遣兵衆侵取不已及於當朝
邊界相近諸要害處創修城寨緣是有違兩朝信誓及
前來已計會定事意仰指揮移牒聞達南朝宜准已計
會定事理施行及還復過疆土城寨并拆廢城壁進呈
奉旨夏國頻於邊界出沒傷殺人民自知罪惡深重乃

隱匿作過事妄有干告豈當憑信便行移牒兼夏國本是當朝藩鎮其建立本末皆因當朝封殖昨北朝重熙年中亦曾加兵討伐夏國當朝未嘗輒有移問今來夏國侵犯邊塞邊臣出兵及修建堡塞乃其職事於兩朝信誓略無干涉又夏國主乾順狀奏自彼南宋侵圖約近二十年前後告乞起兵援助奏呈奉旨夏國元是當朝建立累世稱藩並受封冊兼兩曾尚主故自重熙年中南朝差郭稹來報稱為夏國僭稱崇號起兵討伐後

因南朝諭以建藩尚主之由故於耶律仁先附到回書
既諭聯姻當寬問罪之舉次又遣余靖齎到書謂姻聯
且舊遂停討伐又太康中又准南朝來牒稱為夏國囚
辱其主起兵征討當朝為是戚藩曾經移文理辨及因
使人使計會亦便於從休退兵馬昨於去年夏國又遣
使告奏南宋忽於諸路齊發人馬大行劫掠深入近裏
地分侵取不息尋委所司具告奏詞意并前來已計會
定事理移牒和解經隔多時遷延不行報復續准夏國

再有申奏又經牒報方始回到公文全未依應至如夏國近年實有曾侵犯南朝邊界並無前項重熙太康年中逐起所指愆過輕重不同今來南朝豈可固違祖先相從和解之意及兩朝信誓并前來已計會定事理不為准行據此依違不定未悉端由仍慮南朝臣下不經為縷細聞達兼近日夏國又特遣人使告奏自被南宋侵圖約近二十年於諸要害被侵築了城寨不少今歲以來又多修築夏國疆宇日更脔削乞起兵援助據當

朝與夏國累世聯親理當拯救益以南北兩朝通好年
深固存誓約便難允其所請今特遣使臣就去計會候
到南朝仰具錄上件委細因由分付館伴聞達南朝子
細詳究早為指揮勾退兵馬及還復已侵過疆土城寨
用固祖宗信誓不失兩朝久來歡好右請館伴所聞達
南朝

新錄削去白劄子但存國書曰蓋其意止為夏國
游說息兵及還故地云今從舊錄而此語入蕭德

崇等初

見時

甲子樞密院言河北緣邊安撫司奏竊見緣邊諸州軍

寨城壁樓櫓以承平日久寢以頽圯至於備城軍器亦各並不依式排垛遂於去年內下緣邊諸州軍寨取到防城什物動使各具見闕名件萬數浩瀚其見在數內亦有損壞朽爛不堪施用之物不少邊防緩急必致闕誤欲乞委官逐一點檢各修換并見闕名件本司置簿拘管立限三年修完從之

新本刪修云樞密院言河北緣邊安撫司奏緣邊城壁樓

櫓及備城軍器承平日久頽圯乞置籍拘管立限三年修葺從之正月二十九日已降詔當考

乙丑詔輔臣詣天地社稷宗廟宮觀寺院等處祈雨

朝散郎試太常少卿劉拯奏臣惟本朝承五季之亂
應天革命以集大統聖聖繼治自古未有盛德大業播
之聲詩宜得高文大筆揄揚潤色與清廟之頌並傳於
無窮今大樂局前後詞臣所撰樂章有辭采淺陋有援
引謬誤辭與事異而通用有禮文所無而嗟詠之者曷
足以崇明德傳之無窮哉夫易之坤明臣道也六五中
而不過順而不亢故曰黃裳元吉六三以陰居陽外順
而內剛故曰含章可貞皆臣之事也而土王祀黃帝高

安之曲曰坤輿厚載黃裳元吉宅中居正含章抱質此
非所以命黃帝也如此類甚衆乞別選降付有司施行
詔令學士院取索看詳其合刪改者修定以聞 詔熙

河蘭會路經略判官降授宣德郎鍾傳青授連州別駕

韶州安置試戶部侍郎陸師閔落職知蘄州尋改懷州

七月二日鄒浩云云可考

前權知熙州直龍圖閣張詢特責授歙州

別駕池州安置

詢罷熙州在元年八月二十七日

前秦鳳路提點刑獄

故陳敷夫追元與一子官及所賜錢熙河蘭路經略司

勾當公事宣德郎陳中夫特除名勒停欽州編管

布錄云將

佐或除名或勒停或降十八官至五七官機宜陳中夫代為王舜臣狀虛奏首級等其他造作欺罔事狀不一除名送欽州編管司戶叅軍錢升特除名勒停秦鳳路經略司

管勾機宜承議郎任鯤特勒停熙河蘭會路經略司勾

當公事宣義郎董采承議郎李夷行熙河路經略司

管勾機宜文字承務郎李毅通遠軍通判奉議郎李深

簽書判官承事郎胡泳各特降一官內李毅無官可降

展四年磨勘董采仍衝替陝西轉運司勾當公事承議

郎李宗愿熙河路經略司勾當公事禮賓副使王厚各
特降一官通判熙州奉議郎潘适特降兩官侍禁王士
元滄州司理參軍章經特勒停侍禁康厚降一官走馬
承受入內供奉官周珪特追一官勒停前東頭供奉官
滿志行特除名勒停岳州編管熙河蘭會路鈐轄崇儀
使成州刺史王舜臣追十官除名勒停留充涇原路効
用准備使喚熙河蘭會路都監知河州皇城使榮州防
禦使王贍追十一官免勒停權管勾河州及安撫司公

事熙河第五將知通遠軍降莊宅副使康謂追七官免
勒停權管勾通遠軍權知岷州皇城使昌州刺史李澄
追十四官免勒停權管勾岷州熙河路都監右驤副
使李澤追十五官特除名勒停送均州編管熙河第二
副將文思副使秦世追十八官特除名勒停送江州編
管熙河第一將左驤使姚師閔追十二官勒停河州
都總管領蕃兵將皇城使劉戒追十七官勒停熙州管
第三副將莊宅使張論追十五官勒停熙河第五將前

崇儀使辛叔獻追三官勒停副將西作坊使董隱追四官蘭州都總管領蕃兵將禮賓使李忠追一官各以秦州制勘所言白草原討蕩妄增首級冒受功賞兼虛上首級與使臣親戚餘部隊將使臣人吏敢勇効用等各等第追降勒停編管決配有差內曾有戰功並聽陝西河東路經略司留充効用准備隨軍使喚初得旨鍾傳張詢皆除名編管傳韶州詢池州上問輔臣池州是江南蔡卞曰更有江西如筠素州等又遠於池章惇曰臣

妹年逾六十若張詢更重行遣不敢辭只乞池州稍近
上從之已而曾布言直龍圖閣集賢殿修撰作邊師未
有因職事編管例編管人每旬赴長吏廳呈身刑不上
大夫恐不當爾於朝廷名體未正上曰錯可使與改正
乃各與散參軍安置又皆改別駕先是布嘗與二府言
及傳詢不當編管事章惇曰公之言是先文字見在門
下省未出又令門下吏告布欲令取回劄子布曰不須
爾既奏得旨布又語惇曰張詢雖是公親戚布以素無

此例兼名體未正且事出密院恐天下後世以為非故不敢避公親嫌開陳改正非曲奉丞相也惇曰公莫無避嫌布曰假令人有此言布亦不恤

元符卽報密院奏刑部申奏制勘所

奏勘所奏勘到鍾傳王舜臣等妄冒功賞數內秦鳳經略使陸師閔鍾傳奏討蕩畫謀事勘會鍾傳統領兩路大軍出界元秦斬獲三千五百二十級今勘得其實獲二百九十級外有三千三百三十級係虛冒其陸師閔六月十四日承受朝旨妄冒人限一月許自陳與免罪至十八日榜秦州等所省詳陸師閔直至十八日方行出榜及奏狀內稱尋行出榜情罪合取自朝廷指揮法寺稱許首朝旨出榜稽違官賊外杖六十公罪鍾傳畫謀功賞如是情屬虛奏係保明不實徒二年未嘗減二等官減外杖一百私罪合罰銅十斤如不知情合罰銅

三斤勸會陸師閔見係降授朝散郎試戶部侍郎三月
九日奉聖旨陸師閔特落職差知蘄州其已差下張德
溫令吏部依元到名次別與合入差遣奉敕惟賞當功
罰當罪則臣下勸朕恃此以為勵世之具雖侍從之臣
亦不得而私焉具官項以才稱實膺閫寄方洮河進討
計謀將下交私妄冒功賞詔許陳首而汝奉行不時職
當保明而汝奏報非實不加黜青曷儆誕謾聊褫職名
猶綰郡寄徃其循省無重悔尤可特罷侍郎依前降授
朝散郎知蘄州中書省密院關密院奏刑部申秦州制
勸到鍾傳王舜臣等妄冒功賞案數內下項人三省密
院同奉聖旨依逐項指揮今據吏部申逐人見今職名
合降官資下項秦鳳路隨鍾傳出界五將妄冒獲級重
傷雖功人下項曾經保奏崇班曹宗道秦貴虛供獲糧
前去達賊關跋重傷留在安西城降一資奉敕曹宗道
等夫王政不忘人之功若僥倖而妄其實則罰亦隨之
比者偏師出塞而汝等秋毫之力無有焉或妄列重傷

或虛冒受級以覲賞典各黜兩秩尚為寬典可敕中書省密院關密院奏刑部申秦州制勘到鍾傳下妄冒功賞案三省同奉聖旨依逐項指揮今據吏部申契勘高永年見任崇儀使依所降指揮合降六官降至文思副使關送中書省指揮熙河部落子將元奏斬獲八十級捉到生口一名天使錢鈴轄傷中五十七人離功十五人今勘會定實獲二十四級生口一名並舊丁餘並是虛妄內權都總領崇儀使高永年出界回有部落子各將人頭於高崇儀向邢玠道收着中軍人廝煎要人頭一級與經勾陳先得勾當人一級與張鈴轄三殿直三級與撫諭王供備一級與効用辛士虎高崇儀指揮邢玠道王防禦得鍾龍圖人頭要及三分問當得力姓名人呈高崇儀於姓名下虛鑿寫了人頭今邢玠道等監勒依上件虛冒功數狀申訖六月二十三日准朝旨限一月陳首至七月二十八日馬皇城處喚邢玠道與我憑寫首狀來為鍾龍圖指揮不敢違拒元保明人頭傷

中等都是詐冒申經略司於檢上落作二十三日其使
臣等陳首亦落作二十三日元部六百七十四人虛冒
獲級一分已上看詳馬用誠邢安道虛作効用係不應
言官減外答五十將首狀落作二十三日係詐為官文
書及虛均攤首級與親戚及詐為首級妄求功賞為從
按問官減外合杖九十合罰銅九斤除李澄已降指揮
外馬用誠降兩官冒部獲一分以上更降一官及依隨
李澄虛上人頭與親戚等更特降三官奉敕依下項皇
城使馬用誠可特降文思副使崇儀使高永年可特降
內殿崇班敕馬用誠等戰危事也惟賞當功罰當罪則
人忘死以犯難矣爾提兵禦邊蔑公徇私誕冒當級加
於無功貶秩六等尚為寬恩往自循省毋重獲悔鍾傳
先以秦鳳兵出塞獲級約四千事在紹聖四年十二月
二十二日元符元年正月十七日加集撰三月十一日
坐前後奏報異同失實落集撰官十六日又罷熙帥降
官監永州稅二年三月二十三日又坐白草原冒賞散

官安置韶州不知三月十一日所謂奏報不實即是白
草原冒賞與否考寔錄所書則初青止緣進築非出界
獲級也白草原事實錄初不見其首尾恐即是紹聖四
年十二月二十一日實錄所書出界獲級約四千餘其
冒賞發覺又不知何時付獄緣何人按舉並須檢討作
書證驗別修陸師閔六月十四日承受朝旨可考王正
臣出塞獲三千級事在元年二月二十九日恐即是隨
鍾傳至白草原時實錄不總會編修但隨奏到日書之
故如此不齊要
須細檢別修

右正言鄒浩奏臣伏見陝西路邊臣
妄冒功賞罪狀暴露除已節次嚴正典刑以懲罔上之
姦外其餘轉官增秩合行追治者數尚不少訪聞人懷
危懼殊不自安邊鄙之心亦皆聳動臣以為武夫嗜利

乃其常情惟賴帥臣檢率以義然後不敢肆為妄冒之事昨緣帥不得人自為欺詐故其官屬翕然從之況於武夫安有顧慮故在法雖無可宥而論情或有可言今來帥臣及幕府將領並已等第施行足以昭示懲戒所以其餘同犯之人欲望聖慈特賜指揮詳酌本情如可矜貸即乞免行追治以安邊鄙之心不惟可以安邊鄙之心亦庶幾古所謂脅從罔治之意

浩奏不得其時因責鍾傳張詢等即

附之其從
違當考

丙寅詔六曹寺監應元祐年所更舊法除已修定外其
見今施行尚有不便者所屬條具以聞 權刑部侍郎
周之道等奏臣檢會元豐舊制諸路提刑每半年奏諸
州盜賊已未獲火數委刑部案籍審覆其未獲數多並
且劾聞奏蓋責及於監司則捕盜官不待繩而自勵元
祐增修上條止以見任官赦後限滿未獲盜賊火數仍
用別獲到人許比折外計數則劾奏之法幾為空文竊
謂提刑司按治一路稽察盜賊為先宜禁止於未然或

督捕於竊發若覲幸比折以免責罰恐非朝廷命使卹民之意乞依元豐舊制更不用元祐比折之法但未獲數及五分並許本部劾奏從之 熙河奏遣苗履出塞

擾耕

布錄丙寅二月七日奏捷

戊辰詔翰林醫官潘用中授尚藥奉御以療邢淑妃有勞故也

己巳詔稍愆時雨竊慮刑獄淹延枝蔓在京委刑部郎中及御史一員開封府界令提點諸路

案此處原本註闕文

兩州

軍令監司分頭點檢催促結絕見禁罪人 詔河陽三

城雄武軍節度使檢校太尉開府儀同三司荦王俟遷

外第加守司空改武寧鎮寧軍節度使 朝散大夫新

知洪州蔣之翰言伏覩諸路總管鈐轄司許招置馬軍

一指揮昨知荆南日少人投換乞下諸路總管鈐轄司

遇有移配到他州馬軍禁軍仰子細試驗等仗年幾少

壯及格不犯徒刑並許選補刺充本處馬軍從之 昭

宣使嘉州團練使提舉太清宮王中正卒

折錄辨誣曰
中正元豐中

將兵敗事其罪至大劉摯嘗同章論中正及李憲宋用臣石得一比之四凶以中正為稱首而舊錄所立傳稱其資忠義有大略讀經史通古今尤知兵天文歷數無不通如是則為天下之才矣舊錄所載其無忌憚大率如此今據事實刪改

涇原路奏遣李忠傑領部落子七百騎出塞討擊又奏四月初進葉萬摩會等處

布錄
己巳

庚午御崇政殿閱試諸軍轉員凡三日 詔時雨稍愆

開在京宮觀寺院五日 朝奉郎寶文閣待制知宣州

何正臣卒 熙河奏苗復出塞禽戮共五百餘人級牛

羊等萬計

布錄
庚午出塞
在二十一日

睦州司理參軍謝黼試宏

詞入次等詔循一資

此據會要及登科
記增入黼邵武人

初嘉勒斯賚兄

扎實庸隴為河南諸部所立與嘉勒斯賚分地而治不相
能也扎實庸隴死子必嚕匝納立必嚕匝納死子溪巴烏立
其舅朗格占輔之已而部酋果莊漸盛與朗格占有隙遂
逐溪巴烏溪巴烏不校去之默伯部默伯部復尊事之鄂
特凌古之囚殺溫錫沁也溪巴烏懼禍益西走隆博部
寄語鄂特凌古曰吾乃疎屬又嘗讀佛書今已為僧矣
毋相疑鄂特凌古習知溪巴烏不足忌遂置之羌俗尚

浮屠法鄂特凌古尤好營塔寺勤於土功轄正代父役民
滋甚性又暗弱顧喜殺其下皆怨大酋森摩乾展等有異
志獨畏轄正季父索諾木丹怎雄勇類鄂特凌古不敢發
乃共誣索諾木丹怎謀叛轄正遽殺之盡誅其黨惟綽爾結
得脫乾展等益自肆綽爾結渡河歸溪巴烏日夜說溪巴烏
舉兵逐轄正而自立溪巴烏不聽溪巴烏凡六子曰隆
贊曰杓贊曰錫羅薩勒曰昌三曰順律堅戩曰尼瑪丹
津綽爾結因竊杓贊至錫勒噶爾城復說大酋嘉勒摩

巴桑濟等奉杓贊為主檄遠近轄正遣果莊子阿蘇討之阿蘇至則佯與嘉勒摩合求見杓贊而潛使人殺之嘉勒摩怒連廓州諸部攻阿蘇溪巴烏以杓贊故亦舉兵城中人多應溪巴烏者遂殺阿蘇而據錫勒噶爾城南諸部多叛轄正歸溪巴烏杓贊之被殺也綽爾結逃奔河州見知河州洮西安撫王瞻言轄正為乾展等所制其國必亡吐蕃可乘亂取也瞻方坐白草原增級冒賞奪官龔以功贖過密畫取吐蕃策遣其客黃亨詣京師白宰相章

惇惇納之下其事熙河蘭會經略使孫路計議路嘗欲
取青唐先建請於喀羅川口作橋築城斷西賊與吐蕃
相通道朝廷猶難之及是遂言青唐必可取即大發府

庫招來羌人

正月七日二月七日當參照此段實錄殊
不詳參取高永年隴右錄汪藻青唐錄王

鞏甲申雜見增入之高永年所錄比汪藻差詳或有抵
牾則存其合者曾布曰錄六月十二日癸未云云可考
今附注六月末高永年隴右錄云緡爾結來奔見知河
州王贍以青唐之亂告言溪巴烏起河南諸酋皆叛以
應之其相森摩乾展等皆跋扈欲為亂乘此可取贍未
之從其後河南大酋畢斯布結以其衆降并獻葉公等四
城四城謂葉公丹貝嘉木卓礅藏也畢斯布結果莊之孫果
莊魯逐溪巴烏又其叔阿蘇嘗手殺杓贊世有仇怨聞

漢巴烏起畢斯布結不自安遂來歸又言轄正已囚廢青
唐可取之狀贍以為河湟自昔中土而久陷沒轄正受
國爵命而酋擅攻逼廢之國中擾亂自相誅殺義當拯
之況北有強鄰謂夏國西有吐蕃謂輝和爾及西城諸國
若為他國所并則邊患尤大取亂侮亡兼弱攻昧此其
時也乃上其事建言甚力朝廷善其計從之命轄專撫
其事已而邈川諸酋求內附是時熙河路方城會州因
中分其兵詔大帥孫路駐河州命轄統領河州軍馬為
先鋒總管王隱統領熙岷軍馬策之以撫納邈川諸羌
實元符三年秋七月十八日也趙挺之崇寧邊略云竇
志克宣德言青唐邈川用兵即熙河二州蕃部饋運皆
因往年自河州般草至湟州每草束計費一十二貫乃
到

欽定四庫全書

續資治通鑑長編卷五百八

宋 李燾 撰

哲宗

元符二年夏四月癸酉朔涇原路經略使章綵奏先準
朝旨相度天都山一帶鼎摩會等處進築三城寨臣日
夜與轉運司官經營措置般運糧草防守軍器百物及
築城磚椽之類今粗有叙已剋定四月十日破土興工

上憑陛下聖筭威靈必須就緒緣自熙寧寨界壕西北而去凡二百里之間環天都諸山舊日皆是賊境今將盡為王土成城之後在措置得宜防守有策則為萬世之利臣今有管見輒冒天威條析申陳庶幾少有裨助聖謨謹具列下項一今來既展拓疆土全據天都山一帶形勢地土將來熙河更築數堡寨則兩路道路通接南視秦鳳路疆境已在數百里之外秦鳳郡縣城寨皆為近裏疆土更無邊面況進築以來所費財用不貲當

議節省財用愛惜民力乃稱陛下仁民愛物之心臣愚
切謂惜民力省財用莫若省官省一大吏當十百小官
况秦鳳一路境土既在近裏去敵境數百里之外秦州
不置經略使亦可或依永興軍路例只置安撫使亦可
存廢皆在聖斷非臣得以預知廢之耶則舊隸秦鳳郡
縣請分割隸永興熙河涇原三路存而勿廢耶則止置
安撫使一切依舊只那減一路兵馬戍邊却於天都山
見築大城處建為州軍隸涇原路差一有才武謀慮諳

知邊事得漢蕃人情武臣帶近上兵官職名充沿邊安

撫副使或都監名目稍假以事權如雄州知州之比自

紹聖四年四月以後新建九城寨皆隸新州凡安集降

羌招置弓箭手授田開墾及措置軍伍賊盜皆得便宜

處置外餘並聽涇原路經略使節制

紹聖四年四月後更考年月四月甲

午築金城關甲
戌築平夏城

一秦鳳路舊額正兵蕃漢弓箭手馬步

人乞共那撥一萬三千人屯戍新建州及新建兩寨今

開折如後新建州戍守乞以七十人為額除招置馬步

軍人各一指揮外餘並將秦鳳路舊管正兵弓箭手更

代屯戍

弓箭手乞日支口食米三斗馬支破五分料七分草正兵自依條支破其洒水平秋葦川兩寨

并後來新築堡子並依此

洒水平秋葦川新築兩寨每寨戍守兵乞

以三千人為額各令招置馬步軍人各二百人餘並以

秦鳳舊管正兵弓箭手更代屯戍已上一州兩寨所占

肥地土不少可以一面招置蕃漢弓箭手使之力耕種

藝三年之後積穀必多即可稍稍裁減戍守東兵一體

問得新築州城寨柵於側近處須合築蕃城限隔蕃漢

及新建州城兩寨恐有增建堡柵處乞候進築了日下
經略司等處相度接續修築一今來進築天都鼎摩會
如朝廷欲為州差知州即乞比附蘭州每年合破公使
探蕃等錢五萬貫文減半支給一檢會已奏乞罷番兵
將欲乞就新建州置第十三將兼管幹蕃部公事內正
將在鼎摩會駐劄副將在洒水平駐劄將副並管認新
建州城及兩寨地分一鼎摩會若為州其合置通判職
官曹官合聽朝廷指揮外餘乞依平夏城例差都監監

押共四員巡檢四員一洒水平秋葦川每寨乞差寨主
一員都監監押共四員巡檢三員兩寨各置主簿一員
已上除知州通判外其寨主都監監押巡檢主簿欲乞
依平夏城靈平寨例許本司奏舉緣新建州及兩寨深
在賊境全藉逐官竭力同心防守捍禦仍乞許臣不以
諸般拘礙踏逐奏舉今來一次及依平夏城靈平寨例
每二年為一任除依本路極邊城寨官巡檢合得酬獎
外每員更特轉一官內將官陞路分都監副將陞正將

如元係正將差遣亦依正將例

兩寨主陞副將其知州通判酬獎即乞

從朝廷相度指揮貼黃議者欲遷秦鳳路經略使出外置司臣之愚見以為不惟費用錢物浩瀚無益於事不免却將今來新築城寨分隸熙河秦鳳涇原其三路帥臣未必能詳知始末兼差發兵馬戍守更代將來必須互有所見拘執扳援體例紊煩朝廷裁決亦恐未必能知蕃漢之情況降附羌衆漸多正在鎮撫牢籠臣犬馬之齒已高事成便欲上煩聖聽求歸田里若嘿嘿不言

潔一身而去則上負陛下造物至恩是以不避僭越之

罪輒有奏請取裁於朝廷伏望聖慈深賜省察

案奏以三月二

十三日上據布錄四月十二日進呈詔留缺至十七日乃降指揮

甲戌三省樞密院同

進呈詔留缺

十七日始降指揮二十四日案又具奏魯布日錄甲戌二日涇原奏進築天都訖以

南牟會為州置沿邊安撫使隸涇原罷秦州經略使徙秦兵番戍于外等事詔留缺六月十五日云云 案

尋又奏臣準朝旨會四路人馬出塞進築內秋葦川洒

水平兩寨已是畢工移兵前去鼎摩會脩築自興舉以

來雨暘順遠賊寇遁逃將卒人夫盡瘁赴功上下人情

莫不寧帖約度鼎摩會工役只是十日或十一二日了
當是皆上憑陛下聖筭威靈蒙及極力應副故能神速
成就如此勘會鼎摩會已奏朝廷乞建置作州秋葦川
洒水平只合作寨上件三處皆是西人襟喉之地川原
廣闊形勢雄壯若非宿以重兵未易彈壓西賊張皇國
威今日事初及諸路興舉未有大段人馬可以廣為屯
戍前干朝廷上件三城寨共只乞戍兵一萬三千人內
鼎摩會七千人秋葦川洒水平兩處各三千人累有奏

陳至今多日未奉指揮緣工役欲了當便要防守之人
本路人馬自前歲以來節次輪番那移在新展築六城
寨兩堡子內占使實更難以移輟必欲只令本路人馬
替那前去即應緣邊城寨堡子戍守之兵及弓箭手不
獨更無番次休息兼常人之情久去室家終歲戍役在
外不得還歸必不樂從竊恐因此或致生事不可不慮
兼今來進築係在本路西北迤邐通接熙河其東面緣
葫蘆河一帶以舊城寨言之則天聖乾興熙寧高平等

處皆接西界以新城寨言之則平夏靈平古高平等處
皆接西界賊兵來路尤多未可分毫撤脩以此本路人
馬分擘使喚實見不足臣亦知近裏人馬無可抽那緣
事勢所迫須至再三紊煩天聽勘會秦鳳路城寨自熙
河及本路未展築之前已是縮頭在裏近年熙河進築
却定西平西及本路進築却通峽盪羌今又築了天都
鼐摩倒看秦鳳城寨在二三百里之內西人若不以大
兵出沒自不敢度越漢家城寨深去劫掠緣此論之秦

鳳兵馬似可以漸次移輟不必待熙河涇原邊面已接

方可減那應副他路伏望陛下詳臣狀內所陳事理特

賜主張早從睿斷施行

案奏議自注云元符二年四月二十四日奏此與三月二十日

所奏略同彼奏已附三月一日今以此奏附初二日接此月十七日已降指揮依案奏請不應又十四日案猶未知恐案自注月日或有差誤也布錄

五月二日癸卯案奏統兵進築南牟

丙子朝散大夫直祕閣權知桂州廣南西路都鈐轄程

節降授朝奉大夫戶部員外郎譚拔降授承議郎朝散

郎提點荊湖南路刑獄梁子美降授朝奉郎先是昌化

軍使張中役兵脩倫江驛以就房店為名與別駕蘇軾
居察訪董必體究得實而節等坐不覺察故有是命為

戶外在正月
二十八日

朝奉郎檀宗旦言熙寧八年差官條見

在官去替一年內許在任指射差遣乞依熙寧舊條施
行吏部看詳除廣南東西路夔州路已令在任指射外
勘當五路合使負闕去替半年依舊制許在任指射從
之權知鄆州胡宗師言差夫五等之法出夫不均乞
以人戶物業田產總計所置貫百或差人夫或出夫錢

皆以貫百均出宣德郎孫義言坊郭鄉村戶乞一槩定等第科出夫錢大名府路安撫使司言去年被水災傷州縣人戶以應正夫差役者所有今年春夫年額免夫錢乞特與蠲放或却將合蠲錢數於不災傷及不曾差上件正夫路分州軍均納詔令河北京東西淮南路轉運司府界提點司應已差充正夫人戶其免夫錢更不催納所有未曾差正夫路分州軍人戶合納免夫錢依條催納其胡宗師孫義所乞事理仍令逐路轉運提舉

司府界提點提舉司同共相度 賜河東進築城寨漢
蕃士卒特支

丁丑提舉補治所言永裕陵三男陽氣子孫位合瘞埋

玉獸重疊鎮助從之仍令後苑使造作生活所製造

五月

十三日補
治畢工

右正言鄒浩奏臣伏聞補治永裕陵溝井

所見今買土已見利便但以河南河陽潁昌汝鄭五州
府二十九縣顧到人夫入役已有定數故於買土不能
無限竊緣民間既知賣土實有厚利莫不相率紛然而

集勢亦難遏兼訪聞河南等州人夫雖名和顧頗有科配及去役處有至數程以上者比之情願賣土之人顯是利害不同欲乞應係願賣土之人不限人數盡令收買仍將買價增添錢數庶幾不日益加紛集其河南等州縣人夫即乞自遠至近以次減放不惟官中省得顧錢民間不妨農事實於元料功役極有減助可以速見成效此又國家無窮莫大之利伏望聖慈詳酌特降指揮施行

浩奏不得其時姑附此或可削去

淮南兩浙路察訪司言訪

聞知楚州唐領別為名差借舟般載新州安置劉摯骨
肉詔唐領先次衝替下淮南東路提刑司取勘以聞
環慶奏未可與涇原同時築橫水澗詔孫路每事徇公
不得用情觀望有害職事

戊寅看詳訴理所言元祐訴理不當合行改正宋喬年
梁鑄係衝替元祐改作差替符守規衝替事理重改作
事理輕王安上追兩官勒停改作追一官王棫張舜民
曹輔劉符元係追兩官改作追一官李夷行陳述之元

係追三官衝替張宗諤張升卿元係追兩官勒停並與
除落王覺贓罪改作私罪王防私罪徒改作私罪杖周
常差替與除落等事乞重行改正詔元祐年指揮更不
施行 右正言鄒浩奏臣聞河北路州軍多是城壁不
完器械不利士卒不足訓練不精陛下威德遠加必無
意外之慮然有備無患亦前聖所不敢忽近者朝廷雖
已節次檢舉施行緣積習既久驟然為之或啓敵人疑
心前日霸川修橋之事可驗也臣愚欲望聖慈應係河

北路帥臣並選素有器識衆所信服之人密以方略授之使於歲月間脩城壁治器械招士卒謹訓練委任而責成功不至動人耳目而武備飭矣實萬世安疆之計上謂輔臣曰如何衆皆曰理當然但乏人爾遂進呈訖

浩奏據奏藁上
問據魯布日錄

己卯廊延路經略使呂惠卿據順寧寨將李子明等申有西人創格裕等到言衙頭差大使慶瑋威科卜副使磋邁喀結桑等來計會今國主已恭順朝廷告早為收

接公牒事審會昨夏國差到威明布伊裕勒結到來已降
朝旨令進獻作過蕃酋珪布默瑪令結鄂裕等即許收
接告哀謝罪表章回報去訖詔呂惠卿密切體度今所
遣使副或親信之人將應合要酌事件說諭示以接納
之意錄往復詞語以聞

布錄丙戌載此尤詳二月十一日初遣使來四月二十四日許

取接公牒呂惠卿家傳云西人以並建城寨奪其耕牧之地而復數遭掩擊部族離散來歸者日益多令結鄂裕率衆營險以鎮之欲歸者不得至二年二月惠卿遣劉安以第二第四將張誠以第一第五第六將李希道以第三第七將會於精勤泊以擊之三日至烏延川四日至神鷄流遇賊三千餘騎六日至巴勒濟埒克遇賊五千

餘騎七日至魯遜滿達勒遇賊七千餘騎安等遇賊皆破
之斬首四千餘級降者五百餘人獲其器仗馬牛十餘
萬以歸於是築暖泉以通河東築金湯以通環慶會梁
氏死乾順遣人款塞告哀謝罪且請和惠卿以為軍興
之久中外力疲今此乃不可失之機會而涇原方築天
都諸路自用兵以來侵耕生界於其外建置堡鋪補全
邊而宜且令西人執送生事首領帥珪布默瑪令結鄂
裕而酌以把裁堡鋪外巡綽卓望所至為界然後許以
通進公牒庶往來間天都畢工而諸路邊而例皆堅固
可以久遠無疆場之患而朝旨謂西人近寇涇原狼狽
通歸計窮請命理難便行取接假令異日許以朝貢亦
須畫河為界既而遣使三輩來惠卿悉奏稟應答而牒
言梁氏之死乃北敵遣人酖殺之使乾順自管國事惠
卿以為誠有之則其欲西人之歸已可知若我應答太
迂所求難與彼見無接納之期則是怒彼以堅北敵之
歸而深我之讎也而畫河為界無肯聽從之理乃上疏

極論其利害曰西人之所以有河外者以有河南為之限隔也所以有河南者以有橫山為之限固也今若畫河為界則所以為限隔阻固者皆失之矣彼豈不思一葦之水頃刻可渡據橫山之險他路臣固不能盡知之只如本路所築九寨與今暖泉之通河東金湯之通環慶幸皆就緒所得疆土東西殆千里而南北遠者乃至百餘里若又於新寨之外更拓二三十里以為堡鋪則形勝膏腴占據殆盡非昔日巡綽卓望所至為界之比也今乾順因其國母之死歸咎姦臣殺之以謝罪而請入貢則我雖未能一舉以覆其巢穴然自有國以來用兵西方而能所為必成所伐必克使天威遠暢羌人震疊未有如陛下今日之盛也兵法曰兵聞拙速未覩工之乂也兵之乂而國利者未之有也高宗伐鬼方三年克之猶為億今軍事四年矣兵之在邊者日夜候望而不能息兵之在內者非時調發而不得下則士馬日以益困矣臣之至邊初年糧食有支歲計者有備添屯者

有五年之蓄者有諸司封樁者今會而為一不能為數
月之食則財用日以益窘矣今因其謝罪而不即納反
為不可得之求以絕其來望而怒之使堅北敵之歸恐
非計之得也且兵家之事有勝有負萬一路戰守之
間一有失利或天時饑饉有不可知而北敵有求而不
得與之協力以困我當是之時雖思其有今日之請其
可得乎禹征有苗而益贊之曰滿招損謙受益時乃天
道蓋當治強之世窮兵力以征一國為不難所以不為
惡其太滿而不謙非天道之所與也況力不足而強為
之乎老子曰抗兵相加哀者勝矣又曰過莫大於輕敵
罪莫大於欲得今西人歸罪於姦臣而殺之以謝則是
兵加而哀矣若我因以為易與而遂有畫河為界之求
則是違伯益之議而並犯老子之三戒矣伏願陛下更
與執政大臣深詳究議考自古西戎之難服保持今日
已得之成功勿疑乾順自歸之信誕深虞北敵乘隙之
詭謀自量中外之事力深思兵乂之非利遠鑒高宗伐

鬼方之憊而合之以伯益之謙滿老子之三戒勿令輕敵不知足欲得之過有在於我而兵加而哀與愛惜生靈之言乃出於敵如臣前請姑令執生事之首領送歸朝廷而約之以新疆堡鋪之外為界以俟進築之畢功然後許接公牒無過為遲延絕其來望以堅北敵之歸而為我患天下幸甚既而乾順四遣使者來辭益恭朝廷亦得其近上首領道其密謀以為急則納土北歸於是詔趣惠卿接納焉魯布日錄已卯呂惠卿奏論西人計告謝罪不可深拒其請詔答以先已降指揮令漸示以開納之意然理須與之邀約令送還陷沒漢官軍民及執送作過近上首領如能聽從即與收接告哀謝罪表章附遞聞奏及諭以將來若能服罪聽命分畫疆界了當朝廷必許差人入貢其諸路邊界地形事體各自不同須聽候朝旨未得便與言及地界令呂惠卿依此節次與商量說話及選差知邊事曉蕃情文武官一員同共專切計會將寨官應答西人并具合與商量事目

節次及所差官聞奏上問魯布曰惠卿所陳西人請和
事如何布曰所陳極有理誠不可深拒衆亦皆言朝廷
既欲收斂邊事若所邀求太過或却不來何以處之須
稍示以開納之意上曰所陳甚有理可錄一本進納入
內

環慶路都總管司言本路展定邊城比之橫山興

平等處城寨尤處深遠控扼西賊要害之地全藉土兵

戍守今相度添置住營馬軍蕃落兩指揮各以三百人

為額步軍保捷一指揮以四百人為額從之三月七日定邊城畢

工

河東奏遣張世永等進築端正平

三月十一日令河東相度

章榘奏苗履申王恩昔為部將隸其帳下嘗棄兵隊逃

歸當時以初自軍班出未曉事不魯行法今反聽其節制恐有妨嫌乞聽涇原帥臣節制案移文答以申狀不魯漏泄因為本路副都總管理當統制諸將若當時不魯行法乃是有德於恩何嫌之有兼別無文據難以稽考已密切指揮苗履不得違越驕慢章惇再三曰經略司已施行遂已

庚辰韋懿親宅革王第 廣西提點刑獄張景溫言本路利入之大者莫如食鹽今嶺外鹽課日減蓋緣本路

鹽事之所隸者特轉運司而已竊見東南鹽法提點刑獄司兼領提舉知通管勾皆兼鹽事則措置催驅行法禁止上件維持弊端無不除法禁無不舉利入無不厚望東南鹽法內添入廣西一路從之

辛巳左司員外郎兼提舉編脩刑房斷例魯旼等奏準尚書省劄子編修刑房斷例取索到元豐四年至八年紹聖元年二年斷草并刑部舉駁諸路所斷差錯刑名文字共一萬餘件并舊編成刑部大理寺斷例將所犯

情款看詳除情法分明不須立例外其情法可疑法所不能該者共編到四百九件依許元豐指揮將諸色人斷例內可以令內外通知非臨時移情就法之事及諸處引用差互曾被刑部等處舉駁者編為刑名斷例共一百四十一件頒之天下刑部雕印頒行其命官將校依條須合奏案不須頒降天下并諸色人斷例內不可頒降者並編為刑名斷例共二百六十八件頒降刑部大理寺檢用施行勘會申明頒降斷例係以款案編修

刑名行下檢斷其罪人情重法輕情輕法重有蔭人情
不可贖之類大辟情理可憫并疑慮及依法應奏裁者
自合引用奏裁慮恐諸處疑惑欲乞候頒降日令刑部
具此因依申明遍牒施行從之

此元符斷例序篇合係
四月八日辛巳九月二

十五日甲子曾旼等
推恩或移此入彼

癸未朝獻景靈宮

乙酉戶部員外郎孫傑為起居郎新軍器少監呂公雅
知蘇州以母老從所乞也

丙戌詔廊延路進築暖泉山新寨賜名暖泉寨河東路

烏龍川北領賜名烏龍寨

暖泉二月十一日進築烏龍二月二十二日進築六月四

日畢工布錄丁丑河東以三月二十三日進築烏龍川

河東都總管司言烏龍

川北嶺新寨戍守兵馬乞依葭蘆神泉寨例置馬軍蕃

落一指揮以三百人為額及許令廂軍馬遞鋪投換候

招置數足即抽減土兵步軍一指揮却赴神泉寨從之

右正言鄒浩奏伏見京城久愆雨澤兼聞諸路亦頗

旱乾竊恐農事失時向去民間闕食軍儲邊計所係者

大昔漢東海郡特以孝婦一獄不實致枯旱三年後因
于公辨直其事天立大雨歲以豐熟臣觀陛下丕承先
烈欽恤庶獄誠堯舜之用心然中外攸司未必人人悉
能推廣德惠匹夫匹婦一有枉濫未足以感復至和又
况囚繫淹延追逮紛擾多失其所者乎望降睿旨申飭
中外分委監司亟行疏放庶幾獄無滯寃必有感格上

副陛下憂卹元元之意

浩奏附
丁亥前

丁亥以時雨稍愆疏決在京及河南應天大名府繫囚

雜犯死罪已下第降一等至杖釋之 捧日天武四廂
都指揮使萊州團練使高陽關路副都總管張璨提舉
崇福宮璨以疾請也

戊子保寧軍節度使鄜延路安撫使呂惠卿表請納節

詔答不允惠卿以弟溫卿對獄故連有請也

元年二月一日戶外

孫傑按察淮南路十五日兼兩浙九月丙寅孫傑劾溫卿十二月辛卯詔揚州制勘

己丑以榮州防禦使駙馬都尉曹詩為耀州觀察使

詔新除工部員外郎董必送吏部與小處知州先是必

按衡州孔平仲耀常平違法就潭州赴獄致死者三人
衆以為不當尋又差察訪廣西所為多刻薄還除郎官
而中書舍人郭知章繳詞頭遂令趙挺之命詞右司諫
陳次升權給事中又封駁以為不當未進呈間必有奏
訟知章次升為元祐臺諫官乞定奪平仲事章惇黃履
皆以為不可蔡卞又適齋祠遂得旨罷新命魯布問何
以處之惇履方愕然遂再進呈故有是命上仍令批云
不合輒訟言者送吏部 詔涇原路新築鼎摩會賜名

西安州其知州宜差有材武知蕃漢人情武臣充洒水
平賜名天都寨秋葦川賜名臨羌寨西安州戍守人兵
以七千人為額仍置馬軍蕃落各一指揮以三百人為
額步軍保捷一指揮以四百人為額天都臨羌寨戍守
人兵各以三千人為額仍各招置馬軍蕃落一指揮以
二百人為額步軍保捷各一指揮以二百人為額逐州
寨每年各支破公使探蕃等錢西安州三萬緡天都臨
羌寨各二千緡

初一日并初二日章染兩奏更詳之五
月四日折可適知西安州五月二十一

日受賀章奏議載樞密院奏云云至官司照會實錄
蓋用此刪修今仍具注于此樞密院奏勘會涇原路見
進築秋葦川酒水平鴈摩會城寨將來畢工即秦鳳路
深在近裏別無邊面兼新建城寨便合要兵將官及軍
馬戍守并知州通判寨主以下官負管幹其合行事件
須議指揮一南牟會賜名西安州差有材武謀慮諳熟
邊事知漢蕃人情武臣一負充知州兼沿邊安撫副使
以紹聖四年後來新建九寨隸本州管下應干職事依
鎮戎軍沿邊安撫司已得指揮施行餘聽涇原路經略
司節制兼今來初差知州令章濬選舉具名聞奏一本
州置通判一負職官二負錄事司法司理參軍各一負
倉草場一負防城甲伏庫一負一酒水平賜名天都寨
秋葦川賜名臨羌寨每寨各置寨主一負都監監押共
三負巡檢三負兩寨共置主簿一負已上除西安州通
判合堂除餘仰經略司不拘常制舉官聞奏應上件負
闕仍令經略司一而選差官權行管幹一逐處合用戍

守兵馬除初置馬步軍外令涇原路據合要正兵蕃漢
弓箭手馬步兵數關牒秦鳳路差那見在本路逐頭項
人馬應副共不得過一萬人內正兵並一年一替餘令
兩路經略司相度番換及仰涇原路相度於本路近裏
將分差那抵換堪戰守得力人馬相兼戍守內弓箭手
日支口食米二升馬破料五分草七分正兵依條支破
西安州戍守人兵共以七千人為額仍招置馬軍蕃落
一指揮以三百人為額排充第一百二十指揮步軍保
捷一指揮以四百人為額排充第一百三十指揮天都
臨羌寨戍守人兵各以三千人為額仍各招置馬軍蕃
落一指揮以二百人為額內臨羌寨排充第一百二十
一指揮天都寨排充第一百二十二指揮步軍保捷各
一指揮以二百人為額內臨羌寨排充第一百三十一指
揮天都寨排充第一百三十二指揮已上候將來招置
蕃漢弓箭手耕種及事藝成倫緒日相度裁減戍兵一
初置涇原路第十三將應西安州天都臨羌寨漢蕃兵

馬並隸本將管轄訓練正將令西安州知州兼其副將
於天都寨駐劄仍同共管認西安州及兩寨地分一逐
州寨每年合支破公使探蕃等錢內西安州三萬貫天
都臨羌寨各二千貫一知州通判寨主都監監押巡檢
並以二年為一任候任滿日除知州通判任內於邊防
職事無遺闕仰經略司具治狀保明聞奏從朝廷比類
將寨官推恩外其將寨官都監監押巡檢酬獎並依平
夏城靈平寨條例施行一西安州職官曹官監當官并
寨主簿以三年為一任任滿無遺闕與不依名次占射
差遣一次其今任知差人更循一資若係寄祿官減二
年磨勘願成資替者聽從便一新建州城寨合築蕃城
限隔及有合增添堡鋪之類仰經略司候進築了日從
長相度措置施行仍具聞奏一更有合措置及未盡未
便事件仰章綵續漸條畫聞奏右三省樞密院同奉聖
旨依逐項指揮仍令章綵親自收掌不得下司候進築
畢即節次頒降施行及關牒秦鳳路經略司并申牒內

外合屬官司照會樞密院奏蓋並從章案初二日新請
也或只存此却削去案初二日全狀更詳之二十四日

案又奏
可再考

章案奏更不勾第五等保甲

布錄

廊延奏進

築金湯賜將士特支

布錄

詔三省樞密院各錄章疏一

本送逐處收掌

布錄已丑當考是何等章疏當是編類
元祐人所上者又布錄已卯緣呂惠卿

奏進入或是
惠卿所奏

庚寅權刑部侍郎周之道等言應御札到後殺人合死
會赦原者如所犯委是情重即許引用情重法輕奏裁
其餘並依舊制引赦從之 詔諸路將兵互習事藝人

並置籍遇大教按拍錄其事藝進退者

